



ÄYEKUÄ SÄ PAUTÄ MAIKÄI INAKLÄ PEITALE TARGETAKII WAWERÄ

Je äye yäle artículo 3 jerä kaweita maikäi je tarjeta tso inaklä peitäklä jeirä sä tonaklä je wawerä. Kawei tselesa kile sikuawa Decreto Ejecutivo shtale 35867 je yäle Itsakuiwauo tso jela Economía, Industria jeirä Comercio COOPEMEP jete ji maju joota je ikteishemar, ji äye yäle kika maikäi sä kiarke Tarjeta je wauwarä, je warä ijewa kiana sä pautä jeirä sä jerkua tsanasi, bule, ñawäsaka, ñalawätsaba maikäi tarjeta tso sä nui kukäklä peitale tonane balata je wawera ñanekäi jeska te sä pauteke maikäi je Tarjeta je watjueke sä ña tsatkäklä mikä säte ikiasa sawa waonara.

I. Mane shtäwa Tarjeta de Crédito tsorä jeirä maikäi je inaklä peitalewa sä ñatsatkmi:

- Tarjeta inakläta peitale: Jerä kiana sä kika inaklä sherkerä jeirä kiana, sä jek tsatkäklä, jeirä maikäi säte iwaweke tecnologíawa, jeirä mikä sä ñariäka je tarjetara je kiasa, je kukasa jera säia je washä je kiana, je tarjetawa je kteishä tsana, jerä watona, jeirä inakläta ata jera peitale mikä säte je watjuara jeirä tsatonane, je kiardä jile tsatjuaklä sa ishöra, jile kiana juska, jile tso juska kiana je tjuaklä sä nui tjuaklä jeirä sä kika inaklä shenara jeska sate itserasa cajeros shtäska.
- Manewa Tarjeta de Crédito tsorä: COOPEMEP te säia iwashke bötuäkicha jewara kieta clásica jeirä Platino ata sawa je senewaklära sa jana ijewa kawei tso je kukeis je dälëtsä.
- Maidëka je wawe däkarä: Je tarjeta je yöle kieta VISA jera jile tjuaklä ji sä wakwa kei jeirä ka etkä sä minera je iwatordawa ñanekäi.

- MONIBYTE: Säge wakwa Tarjetahabientes kiar sä däkläwa jile tso kile sikuawa aplicación je suaklä ka nuita ka öloita kile administración MONIBYTE. Te kawei meke kukuna säte tarjetahabiente säwa inaklä patkäklä sä nui tjuaklä, säwa sä nui isuaklä jeirä sä wakei jek tjuakla.

II. Jerä kaweita säwa je senewaklä, jerä keita je, tsatjuaklä balata kawei je so nui tsatjuaklä

Mikä säte je äyekjuä kawei yuasa sä wakei julaskuwara jeska ite sä pautëke bikä balata sä kiana, je tsatjuerä ka kei bakleju kuna bikä ite säia ikawei maska ka shirilekuna.

III. Sa Kiana tsana je sä nui mablä bikö je interés dä, ñanekäi icargos, etkä kie comisión jeirä bikö je tsatjuerä:

1. Intereses corrienteswa: bikö sä jana je interés tsatjuerä je suekerä bikokje sä jile tsatjua mare bikö ikawei dëka bataska kie sikuate (fecha de corte). Je suekerä bikokje säte iwatjuawa je shtaweke bena dëka mare TARJETAHABIENTE tsatjueke je keiska bena ata sä kiana je tjua je ite ikawei ma yikabara itordawa ñaebä.
2. Intereses corrientewa ñawäsaka: Je bikö sä nui tsatjua je staweke bena bikokje sä te jile watjua mare bikö sikuate ikawei maska je sueke ite jela säte iwatjua etka, etka jami je balata jami ñanekäi ka je nui bäke kuna ite jela TARJETAHABIENTE, ata je tjuekerä bikö sä nui kukaska bule ikawei meleska, ata sä kiana je nui tjua ñala wätsabara je tordawa.
3. Intereses moratorios: Je sueke ite jela bikö sä nuirä jami bikö je interés yöle kaweiwa maikäi säwa je tarjeta kilerä jana mina je nui batasha mikä je kawei dël tarjeta tsakjuaklärä sä kaweita dël berberiri je tsatjua mikä ka sä inaklä dëneka kalabe je tjuaklä ra.
4. Pago mínimo: Je säte tsatjueke, tsine elkje bolkje te sä tsatkeke je kawei meleska je interés yile säia je tjuakla tarjetaki dël jerä Emissor tsatjua jishtë säia iyele mikä säwa kile sä kablelera.
5. Nui tjue dël ñawäsaka: Je sä nui kasheke jela ite mai sä Estado de cuenta tso sawa kile bikö sä nuirä jeirä jishtë sä nui tsorä je tarjetahabiente kika bikö ijewa ikawei meleska, jerä suna iwa jela interéska mikä je inaklä peitaleska, je säkätä je kie ite jela comisión o cargos mikä je tjuaklä ra. Je sä tjueke ska, ka jeska je interés je balana watole je mes shana je kalabe dël jerä däsane säje wakei tarjeta kika säje cha yëë.
6. Maikäi sä nui tsatjue: Je Tarjetahabiente je jana tsatona dël manerä je wakeirä ia je tsatjuekerä inaklä sii wa, jeirä äyekjuä kie chequerawa tso sawara jewa itordawa, jeira jile saka tsowa je kiardawa je nui tjuaklä ñanekäi mikä sä nui pachakäke chequerawa sä jana je kisä mai sä mine nui tjua ska mikä ijewa te ishe bule je chequera jerä bäi bule kjea säkeita kjea je nui rä tolejumi kjea sä mikejurä.
7. Imputación de pago: Sä nui tjua säte tarjetahabientewa je imputaran jikäi ikablele jelawa A-interés kei bakleju jeira gastos de cobranza B- Intereses corrientes jeirä jile saka tsoje nui bakanaje C- Reembolso inaklä säkätëba jeirä sä nui tso je balana jerä tole bule je

banco wakwara, D- Sä nui tso kololera mikä sate jile tsatjua sate tarjeta, mikä sate je watjuara jile kiana juskara E- Mikä säte jile juska tsatjuara jerä kaweita ñalawätsaba.

8. Cargos y comisiones: Je tarjetahabiente ñanekäi jana tsatona dël ka jalewakuna je emisor ia diajikäi ka bata yile kuna ñalawatsa

Maikäi je cargos irä je comisiones dä

Rubro	Tarifa
Cargo administrativo mikä sä nui tjuaklä je kei kjajura kañina dëka 5 maju ukäska.	5% Jerä dël bakanasa mikä sä nui tjuaklä kei kjajura mare dëka bata jekje jerä \$12.00
<u>Cargo mikä säte tarjeta säkei kianera</u>	\$5.00
Cargo mikä je jakiblana ra jeirä sikua saka te sä jakiblana. Bata yile sä wawei siwa	\$0.0
Tsatona dël mikä säte je wächakewa mai sä jile tjua ska jerä mikä sate isua iyina jerä wakei jeirä icliente sii	\$15.00
Nui tsatona dël säte inaklä tsasake iwara.	5.00%



Membresía Mikä säte tarjeta crédito je wa wekera:

Jerä tsatona duas kjakejami je tsatjuekerä \$30 jerä irä Tarjetas clásicas ata irä tarjetas platino tsatjuerä \$50.

Ñanekäi sä jana itsatjua mikä sä yika tarjeta shenawara jeirä sakalawa te sa jakiblana sä kawäta itsatjuane säia isäkei dëkläsane spana je säkierä \$20.00

Bikö sä jana je ijewa kjanebläke jana tsatona Coopemep RL. Jerä tona ijewate äyekjuä tiëke kika jeirä ñanekäi ite sä äyekjuä sueke bikö säte je watjua, je wauwa tarjetawa ka etkä sä tsora.

Mikä säte sä äyekjuä kieke sawa jishtë sä nuirä je suaklära je tsatjuerä \$3.00 je iwakwa juiska Coopemep R.L

Ñanekäi bikö tsatjuekerä je kuerasa sate jiska sä kika ishekera: www.coopemep.com

IV. Maikäi estados de cuenta

Coopemep te je äyekjuä patkeke dël mes, mes jishtë sä nui je ramirä jeirä jishtë je manerdamirä. Túlu baklë wa <mes anterior> mikä sä kika isherkejia juñena jera, sä kiarke je äyei kiä ñawäsaka spanane säkätëba ata itäkapa iräle mikä jewa de ibatashä mai ijewa wäkri jui tsoska jeirä mai ijui saka tso je batashä säia tsana.

Sä je wakei tso ñakole jeirä kablele irä jela jewa kawei tso sawa sä äyekjui kie Estado de Cuenta je suaklä dël je mablä ñanekäi isua tsana je sä nui ramirä bäi ata yakei je jami sä kiarke je anetsä je batashä je Coopemep ia äyekjuä kika yole tsana mikä säte isua äyekjuärä ka shtale bäi kunara je wekerä ñalawätsa ka 60 días sako ishära ka Túlu kjäba botuäkicha je yika ba shtale ñawäsaka kika ka balata, mikä ijewate je äyekjuä patkasa sa julanaka ata je kei kjajura Coopemep te je ka kukekunaje ka ijewate je suekunaje ka säwa ibatayine säkätabara.

VI. Bikö kawei melé säwa je ktei shäklä je chakäklä

Mikä säjewa ditsä asociado kiarke sä estado je chakä sä jana tsana je wabiketsä kjea maikäi säte je chakemardä je wekera ijewa juiska Coopemep ska je wekera 90 días je balanaka ka bakleju kuna. Je balaska ebä sä jana ijewate äyekjuä kieke formulario sawa jile kteishäklä je yuä jiné säte ikteishekejami. Sa jana je yuäksa elkjebä ta bule jine sä kiana ijuñara ktei yole wata bule.

Je säte äyekjuä kteisha je jana kisena je iwakwa sä kukläkläne jerä balata je sua tsana jibä kiana säwa juñenarä, jeirä ñanekäi jibä kteitse säte jami ite sä kukekenerä sate yua je kteijami

VII. Mikä säte tarjeta je shewawa je jakiblena, iweikanawa, jeirä yilete itsami sä yika ra

Sä yika Tarjeta shenawa iräle jeira jakiblena tsenami irä sä jana ibatashä palá mane Cooperativa jui tsoska, je wekerä sä jana ibatashä ka shtawaklä 22950660 jile tëbeli yaka tso ñachakläklä wa jeska sikua je bloklea wakläwa betji jeirä ijui tso alemanara sä kiarke mina jeska ibatasha jeska sikuawa sä tsatkä je bloklea wa

Iwarä ka sawa je batayinera je tarjeta je waona yakeira je cooperativa te ka je nui ka kukena ka säwa je bata yine palara ka jiyekunata mikä säte ibasha pala je ukäska iwatonara je nuirä wakwa ne cha

Je säte tarjeta shenawa batasha je ukäska sä kiarke mina je säkei kiäne spana

Mikä manele sä sakawate je tarjeta je watsasa inaklä yëë sä numero de pin jeirä clave je nuirä sä wakeinewa ka jiye kunata jerä sä wakei ne tarjeta ka menakuna kjermita.

Jeirä mikä sä tarjeta yakeitenawara sä jana mina ijui tsoshtëska je säkei kiäne.

Spana ne cooperatibaska.